


B. N. C.
FIRENZE
1007
3





1007.3





Interpellatio Brevis

Ad

*Philosophos veritatis tam Amatores, quam
scrutatores*

Pro

Lapide Philosophorum

Contra Antichymisticum Mundum Subterraneum.

P.ATHANASII
KIRCHERI JESUITÆ.

Quâ

*Non solum antichymistica ejus putatitia argumenta sub-
nervantur; sed & ars ipsa quantum fieri potest intelligen-
tibus manifestatur,*

à

SALOMONE DE BLAVVENSTEIN
ARTIS HUIUS VERO ALUMNO.

Bienna apud Bernates

Typis Desiderij Sultzij.

1667.



Ecclesiastici. 4.

Pro anima tua ne confundaris dicere verum. Ne accipias faciem adversus faciem tuam, nec adversus animam tuam mendacium. Non abscondas sapientiam tuam in decore suo. Non contradicas verbo veritatis ullo modo, & de mendacio in eruditionis tua confundere.

Sophi
Philosophi
Phyfici
Metaphysici
Chymici
Alchymici.

Patrem Athanasium Kircher Jesuitam nuper ex hypogeis, ichthyotrophysque suis subterraneis, nescio quâ adhuc nyctalopiâ oculorum intellectualium laborando, badizantem reducem, ad lapidem vestrum Philosophicum tam durum impigisse, stomachabundiq; instar illum præ nimia irâ mordentem in Vos Projectores à Deo benedictos atræ bilis vitiô ex mundi sui subterranei venenosis fuliginibus infestum stomachum movisse, ut in omnium odium contemptumque vos indiscriminatim abduceret, planius est, quam ut debeat explari.

Quapropter ne maledicta quibus in vos liberius, quam doctius modestiusque debacchatur feratis, & sermones ejus male feriatos, quibus in Vos membratim grassatur, patiamini, vulgusque ideo imposturarum, quarum Vos ibidem identidem in arte totus ruralis postulat, si silentio has prætereatis, reos esse

fuspiretur, vestram fidem, vestrum candorem, vestram experientiam, expertus quoque duxi interpellandam.

Nullus ambigens quin mihi Alumno vestro pro virili sitis gratificaturi, & pro possibili effrænatum hujus Antichymistæ calamum sitis correcturi, ubi illius frivolas, quas contra lapidem invulgare aggreditur rationes, breviter & perspicuè facili buccâ exsufflavero, rimasque per quos lippis oculis in laboratoria nostra introspicere attentat, Philosophorum sapientiæ tutô obstruxero. Non tamen est animus illum quem verbis humidis est lapsantibus araneosum textit contextum ex integro allegare, quo tamquam Architæ crepitaculum in libri undecimi mundi subterranei sectione secunda nihil non blaterat, quæ tamen jam olim scopis sapientiæ everfa, facta sunt verorum Philosophorum peripsemata; Sed brevitati studens Aliisque plenius Eum refutandi provinciam deferens ad ratiocinii limam P. Kircheri argumentorum scrupulos revocare, quibus cum suis Gigantibus Philosophorum gesticulatur oppugnare Coelum, ut non ex ungue Leonem; sed ex ungula quilibet pergam facile, qualis hac in arte existat, possit dijudicare.

Licet enim P. Kircheri in Astronomia Astrologia, Statica Optica & aliis disciplinis, inter Literatorum hujus temporis confessus, insignes labens assignavero gradus; In Chymia autem Alchymia, aliisque huc spectantibus absconditæ naturæ myrotheciis illum excussio emunctoque esse judicio æstimare, scripta illius, quæ hoc in passu publicæ orbis scenæ audax magis, quam versatus propinat, delibata, se ipsis oblectantur.

Qui enim in dijudicandis litibus & arbitrijs inter dissentientes æquus erit æstimator: adducendis P. Kircheri rationibus quibus

quibus Alchymiam subvertere irritô conatu nititur, albâ amulli ponderatis; Ille pronuntiatum Hannibalis adversus Phormionem semper togâ indutum, numquam Bellonæ discipulum, multa nihilominus de sago seu Imperatoris officio facundè magis, quam expertè disserentem: *Multos deliros senes vidi; sed qui magis, quam Phormio deliraret, vidi neminem &c.* imperterritè contra P. Kircherum quoque perlonabit.

Sibi quoque P. Kircherus imputare debebit, si posteaquam adeo libuit doctrinâ, ingeniô & calamô abuti, ut præstantissimorum virorum famæ parcere nesciverit, omnibusque impostorum Theta inusserit, impicaverit, sordidaverit: etiam quæ minus arriserint, vim ui repellentibus similibus armis, hoc in brevi scripto percipere cogatur, & ultra crepidam prosiliens futor in ordinem redigatur.

Nam qui importunâ nimis & impudenti temeritate fretus, in chartas projicit & venalia orbi literario exponit quæ libent, hic quoque quæ non lubent, sepius audire neutiquam debet gravari ad Rhombum. Ordine secundum novenarium, quem invitâ minerva & alethêa aggregat de Lapide Philosophorum capitum numerum, singula crudero, & propono argumenta.

CAPITE PRIMO.

Contra lapidem Philosophorum hæc in substantia adducit: cætera verba Therstis sunt, quibus inexpertè cornicatur.

Alchymici 1. non conveniunt in definiendo lapidem Philosophorum.

2. Varia nomina illi imponunt.

3. *Inter se non sunt unanimes.*
4. *Magna est difficultas in conficiendo lapide.*
5. *Circulus in determinatione Materiae.*
6. *Nullum lumen in processu de lapide Philosophorum capimus.*
7. *Verba Theophrasti & Azoti non concordant praxi.*

Ex singulis concludendum est secundum P. Kircherum: *ergo non datur lapis Philosophorum*

O misera Conclusio; Artum est de Philosophis, cheu. Ride-
 dete. Brevius totum hunc apparatus contraho. *Obscura sunt
 quæ de Lapide Philosophorum scribuntur ab aliquibus. & sic hunc
 formo syllogismum:*

*Quandocumque obscura sunt, quæ de aliquo ente ab aliquibus Au-
 thoribus scribuntur, tunc illud ens non datur, atqui obscura sunt quæ
 de lapide Philosophorum ab aliquibus Authoribus scribuntur ergo
 Lapis Philosophorum non datur. Quis Trivialium, quis vel me-
 diocriter versatus hanc majorem concesserit, nisi omnia my-
 steria fidei, omnia abdita Sacramenta impie cassaverit? Et tu
 mi Pater Kirchere (abstrahendo à Lapidis veritate vel falsitate)
 si lapidem conficere nosses, teque id scire divulgare velles, ne
 hæc ars ex ignavia hominum intercideres, aliter scriberes? non
 faceres, nisi totus delirares. Quanta enim inde inordinatio ex-
 ordiretur, si omnibus liceret esse divitibus auroque abundan-
 tibus, quis Tonfor non videat. Nec frustra ait Salomon in suis
 proverbiiis cap. 10. *Sapientes abscondunt scientiam: os autem stultis,
 confusioni proximum est.* Et si primi in hac scientia Patres, Kir-
 chero teste, hic *Sect. 4 cap. ultimo.* elegerint Sacerdotes & Phi-
 losophos quibus unica ad Regni solium spes erat, ut mensis suæ
 arcana per Hieroglyphica illis exponerent, quando dumtaxat doce-*

docebant exponebantque, quomodo natura produceret metalla, variæq; deprehenderentur. Mixtorum Symphatiæ: Qui succenset Philosophis, dum obscurè de lapide suo scribunt, cum & ferè omnes in propriis scriptis de se non solum id ipsum confiteantur, imò quod studiosè & libenter sibimet contradicant, in ipsorum monumentis nihil reperiatur frequentius, ut naturæ gravi indagatores in illis inveniant quæ se exercendo contemplantur, ignavum vulgus nihil non offendat, quò ab hac arte absteretur omnes tamen ad unum veros Philosophos qui verè talem thesaurum possident esse unanimes in materia Lapidis, vel ipsa natura dictat cœteros verò ex Philosophorum albo eliminandos esse, quisque facilè præbebit consensum. Quod autem variis terminis usi, varias ipsis imposuerint significationes quas ad lapidem vel ex parte vel ex toto retulerunt quid refert? si enim Astronomis non vertitur vitio, ubi pro imaginatione varia, variis imaginibus cœlum sidereum imaginative depingant, iisq; vaxia variorum animalium nomina affricent: cur non licebit Philosophis Alchymicis pro variis mutationibus, quas in lapidis præparatione venantur, variis quoque vocibus illas verè similitudinariè exprimentibus, Lapidem suum exornare denique non omnes Lapidis divitiis nobilitatos fuisse contendere volo, qui de Lapide scripserunt, ut commune quoque hic exulet adagium: *Scribimus indocti, doctique præmata passim.* Sed pro comperto habetur multos animò prurientes similia exarasse: vel ut vitam tolerarent, vel ut aliquod nomen apud indoctos sibi conciliarent sicut & in patulo est, veros Philosophos quosdam vel invidia adactos, vel aliquâ alia ratione pressos contrariò colere veritatem defurasse, Ex quo facilè con-

secta-

sectarium elicitur: Quæ de Paracelso quæ de Azatho quæ de aliis oriuntur, fuerint ut fuerint, veros Philosophos non tangere.

Quod autem P. Kircher ait de difficultate in lapide conficiendo, ex ipsius inscitia oritur, dum divinat lapidem confici debere ut metalla in mineris suis subterraneis plasmantur. Notum enim est, si Philosophi in suo opere cogerentur temperare calorem ut natura, sulphureo mercurialem vaporem adhibere ut natura, matricem excogitare ut natura, prius Artifici deficerent etiam nestorei anni, quàm omnia ad fabricandum lapidem in paratis haberentur: verum hæc ulteriorem refutationem non merentur, ad caput secundum.

CAPITE SECUNDO.

IN quo quærit de possibilitate transmutationis, ne unicam rationem profert, quâ impossibilitatem transmutationis astruat, possibilitatem tollat. Initio solum crambem coctam recoquit & naturæ laborem in metallis generandis plangit; quem laborem nos quoque naturæ in prima metallogenese cedimus, *Sed nihil ad nos.* Deinde asserit speciem non posse mutari in speciem. *Et ego assero quia nulla datur à partè rei species abstracta ab individuis.* Hic concedit Bachonio subiectum unius speciei, nempe materiam primam posse fieri subiectum etiam alterius speciei. *Et ego concedo, quia materia prima appetit omnes formas.* Denique cum Paracelso tricas quærit & quinque experimenta quibus transmutationem astruit, evertere conatur. Quamvis ad propositum nihil nobis cum Paracelso, quia ut supra dictum, ab omnibus Authoribus autoritatibusq; in particulari

riculari abstrahimus, nec sub incudem vocare volo, quidnam in arte tenderint, quidque ignoraverint. Unicum tamen contra P. Kircherum dum scilicet Transmutationem ferri in cuprum per aquas vitriolatas difficulter eludi per corpuscula venerea, quæ vi magnetica attraheret Mars, Nimis enim clarum est totum ferrum in Venerem mutari ut ipse Agricola Chymicis alias invisus testatur *lib. 1. de natura Fossil. cap. 2. & lib. 11. de re metallica*. Qui etiam *lib. 11.* cum Lazaro Ercker, Faxio & ipsa experientia consonat æs ad regulum excoqui non posse, quamdiu aliquid ferri in ære lateat. Hoc autem æs ex ferro factum optimo modo sic excoqui posse, vel ipsi hebetes Rustici in Goslarensi vicinia sciunt. Et certè si tot corpuscula ærea ab hac aqua advehantur, cur sine ferro minore labore non separantur? Denique fictitia esse hæc corpuscula si labores spagiricos in evaporatoriis hæc aqua subeat, quisq; oculis cernet quæ tam liberè cum mucro emungit P. Kircher. Verùm hæc non moror, remitto, P. Kircherum ad rudes fusores & Carabarios, qui cum cachinno hæc corpuscula ex suis officinis, ne hirc quos grave, visuique noceant exsufflabunt. Quia multis? possem & ego dare aliud Epicherema P. Kircheri si mihi per 3. horas duntaxat adesset, & incredulo palandum præbere, quomodo expuro puto argento, toto quanto, fiat purum putum aurum additione simplicis salis præparati sine aliquo vel in minimo addito. Nec tali mania laborare existimem P. Kircherum quod etiam in Sale communi creet corpuscula aurea. Quousque homines inexpertos ducit cæca ignorantia: Transmutationem negat ita liberè, ut sibi imaginatur illam non dari: nec unicam rationem affert quæ solum illam impugnare auit; Verùm to-

rus in hac arte rudis mutos Philosophorum aliquorum libros
hic rodit, qui tamen ad rei veritatem nihil faciunt. Non enim
sequelam hanc Approbabit ratio. *Quia tres vel quatuor Philo-*
sophi sive veri, sive putatitij, sive supposititij de lapide Philosophorum
hoc vel illo modo male vel bene scripserunt: ideo datur vel non datur
lapis Philosophorum. Et certè quid facilius in praxi, quid in intel-
lectu clarius, dari transmutationem metallorum, ubi semel sibi
quis persuadere, quod verat, poterit Metalla non specie; sed
solummodo per maiorem, vel minorem digestionem (quæ fit
per sulphuris sui maturationem mediante decoctione) distin-
gui? Jam enim ab immemorabili tempore scamna in scholis
nostris triverunt descriptiones Metallorum; quod nempe *Au-*
rum sit metallum è sulphure rubeo subtilissimo purissimoque
factum *Argentum*, metallum ex puro albo mercurio & sulphure
similiter claro & albicante genitum. *Æs*, metallum è sulphure
crasso rubeo & mercurio paululum impuriore, *Ferrum*, metal-
lum è mercurio immodico & sulphure spissiore utroque impu-
ro & adurente. *Plumbum*, metallum impurius è mercurio ad-
modum impuro, crasso & fœculento, & sulphure quoque im-
puro. *Stannum*, denique sit metallum ex mercurio albo in su-
perficie & rubeo intrinsecus & sulphure non bene commixto-
natum. Hæ descriptiones ita communes sunt ut vix præ nausea,
illas adhuc semel hic potuerit calamus eructare. De pura igitur
quæ impura sunt, matura quæ minus cocta, frixa quæ nimis e-
lixa & semper transmutationem non substantialem, quia fal-
sum est substantialiter, ut jam dictum metalla inter se differre;
sed accidentalem perages. Et certè ad pontem Asinorum rele-
gandi, qui talem specificâ distinctionem aliqua solum *δοξασματα*
furiosi

furiosi asseruunt cum ignorent, quid sit distinctio specifica. Ostendant mihi hic aliquas proprietates sequentes ex aliquibus differentiis, quæ aliquam genericam contrahant naturam, ut essentiam constituent specie ab alia distinctam. In metallis non repperient nisi colores & maiorem minoremve ductibilitatem, fixitatem & puritatem. Quis jam vel mediocriter quamcumque Philosophiam veram doctus dicet colores vel majus & minus facere distinctiones específicas, nisi ipse à Philosophis aliis specie distingui velit. Adeoq; P. Kircherus sufficit asserere *adivator* esse transmutationem metallorum, non audet differere, quasi illius oraculis ex tripode ignorantia dictis cogeremur assentiri, vel potius vellemus assentiri, Plus ultra.

CAPITE TERTIO.

O Perose lapidem Philosophorum conficiendi modum & rationem narrans narrat, *Quorum Philosophorum?* Aliquorum Arabum, Raymundi Lulli, Joannis Azoth, Bernardi. *Quid inde?* ait inter se discrepare: aliquos aurum requirere aliquos non. *Quid plura?* Artifici Chrysopoëjo nulli fidem ullam habendam. *Quare?* quia ad aliquam sibi famam acquirendam quidlibet pro quolibet posuerint, & cum verba clara sint, praxis non correspondet. *Quid tum?* ergo non datur lapis Philosophorum. O præclara consequentia! Inserite illam vestris annotatis Philosophi vel celte sculpatur in silice, ne pereat. Quantum audio, quantum capio, P. Kircherus vult tradi sibi hanc artem claris, rudibus, planis, apertis, perspicuis, pinguibus & crassis terminis, & hoc in libris totò orbe divulgatis, O ruditas, ô crassities, ô pinguedo animi, qui ignes abyssos dracones ho-

mines, monstraq; subterranea quærit, hanc artem nobilissimã
in officinis Typographorum investigat & venalem venatur. In-
telligitne Kircherus quid sit aurum Philosophorum, quando-
nam aurum vulgi & quomodo requiratur ad lapidem, quomo-
do Philosophi inter se reconciliari possent? *Quomodo intelliges
nisi aliquis ipsi explicet?* mittatur ergo ad illum oedipus, vel Phi-
lippus qui ignorantem quid legit doceat. Sed quia nullus nullo
comitante spiritu compareret, iterum invehitur in Philosophos
& dentatô calamô totus spirans passionem illos lacessere ag-
greditur, Quo defatigato & nihil proficiente iterum anilem in-
cipit litem & ad rationis entitatem convertitur, bombum
bombilans & hoc de semine auri argumentum torquens. Vel
enim semen auri illud est suæ speciei multiplicativum, vel non
si prius erit vegetabile & consequenter metallis est attribuenda
vita; si verò semen non sit nisi analogicè vegetabile, idem di-
xeris hominem pictum hominem verum generare posse. Si ve-
rò dixeris id quadam modificatione esse semen auri, uti turba
dicit: errorem majorem incurres cum modificatio sive mo-
dus, utpote purum putum accidens nil substantiæ superaddat.
Est ne hic finis homilia super verbum semen? Accipe Glossã. Quis
unquam verus Philosophus asseruit Lapidem Philosophorum
cum semine convenire nisi similitudinariè hoc modò: sicut se-
men projicitur in terram ut inibi mortuum fructum centuplũ
afferat, ita lapis Philosophorum projectus super metalla imper-
fecta illa in aurum vel argentum tingens fructum centuplum
affert. Vides similitudinem cadere super projectionem & non
super semen, alias lapis Philosophorum deberet aliquamdiu in
metallis recondi, ibidem germinare, florescere, nihil mutando

de ter-

de terra sua metallica ut semen facit, quæ sunt falsa. Et certè si Argumentum Kircheri valeret, homo comparatus asino vel appellatus asinus, asinus esse per fas & nefas essentialiter cogere-
retur. ut cuilibet applicanti textum textui patebit. Sed ludicrà ludieris. Non tam pinguibus manibus sacra Philosophorum tractentur. Prosequitur.

CAPITE QUARTO.

ET perfectum Artis Magnæ Magisterium à Lullo, Azotho coterisque examinat. Huc itaque semper tamquam ad arcem & caput, ut putat examinis albis quadrigis properat Kircherus: cum tamen semper buccinis canam surdo allegationes scriptorum ob diversos ad quos collimarunt fines hujus artis veritati nec derogare, nec illam statuere, & nisi rationes adducantur similia responsione indigna iudico. Quid veris Philosophis qui hunc thesaurum possident cum Theophrasto, Azotho Trebellio, ab Africa? quid cum cibinensi, Riplæo, (quem ex ignorantia vocat ubique Riphæum) sendivogio, Lullo & centum aliis de quorum ~~invenit~~ vel nihil vel parum P. Kircherus constat. Modestiam tamen suam me iudice P. Kircherus maiorem sibi hominum benevolentiam adglutinasset, si non omnes eodem pectine depilasset, aliquorumq; famæ magis Christianè novisset parcere maxime Michaelis Gendivogii Equitis Poloni, ejus adhuc clara posteritas longâ majorum serie decoratur, suspicitur, honoratur, quæ tamen in hoc capite ut impostorè ore durissimo & inverecundo calamo tamquàm Duci Würtembergensi imponere voluisset ex rei gestæ crassa, si non affectata & supina ignorantia non puduit traducere. Rem gestam itaque veris re-

cito ex meliori fundamento periodis. Müllenfelsius, nescio à quo tincturam aliquam suffuratus, aliquoties factâ projectione palam Duce & pluribus scœpius tinxerat, artemque hunc conficiendi lapidem se callere asseveraverat, inque hunc finem pecuniam à Duce extorserat. Gendivogius hujus artis quoq; gnarus famâ Müllenselsij percitus illum in Calegiæ Metropoli: vel ut veritatem rei per scrutaretur: vel ut Müllenselsij aures vellicaret, convenit. Conventum impositorem offendit. Offensum Duci, coram quo quoque projectionem Gendivogius peregerat, denuntiat. Müllenselsius subolsaciens quod rei erat, se tenebrosum in conspectu hujus Lucis subsistere tandem non posse, Gendivogium extra civitatem invitatum supposititiô Principis decretô quod falsificatô sigillo subsignaverat officialibus exhibitô, extraneum hunc hospitem custodiæ ut mandarent, astu vulpinô procuravit, Vestesq; quibus innocuum spoliare jusserat, tincturæ inveniundæ & subripiendæ gratiâ, perscrutatus de Principis, ut ajebat, commissione Gendivogium nequiter custodiæ reliquit. Gendivogius ita delusus cum custodia arcta non esset, Hamburgum evalit. Quò totam rei gestæ seriem Duci literis conquestus effecit ut post examen Müllenselsius impostor arctiori Carceri traderetur, examinaretur, & post culpæ confessionem suspendio consumptus fieret infamis ligni appendix similisq; farinæ furunculis, quæ horrent, vestigia testaretur. En verissimam, genuinam, ad amussim examinatam & synceram commemorationem. Eat nunc P. Kircher contra Christi Evangelium & evaginatâ linguâ Gendivogium impostorum nigro inscribat, Eat & incautus mundo suadeat illum non comparuisse. Næ famę hujus clarissimi

Viri

Viri quam furatus est ex conscientie ratione manet obnoxius. Coronidis hic loco cavillat censuratque P. Kircherus aliquos Principes, qui dum huic Philosophiæ nimis operosam impendunt operam, res publicas sibi concreditas negligunt. Si qui sint, ipsi viderint, ipsisque concionetur Kircherus severus nimis forsan censor. Malle rationes contra lapidem quas hic videtur velle adferre, ubi caput his verbis concludit; *Jam ad rationum pondera (bullas) progrediamur, quibus Deo dante (philautiâ instigante) Alchymiam, eiusque paulo ante adductos processus (nihil ad nos) non tantum vanos & irritos, Sed & indignos esse qui à Principibus aut admittantur, aut in admiratione habeantur, luculenter demonstrabimus. Arrigite aures ventilentur pondera, sequenti igitur.*

CAPITE QUINTO.

Processus jam relatos & examinatos iterum refert ad naveam & examinat, perpetuas agendo nugas. Verum quia supra buccinis crepitavimus, addamus & tympana: Processus nempe aliquos obscure ab aliquibus in chartam projectos non urgere sed permittamus hoc iracundiæ Pater Kircher: probet dumtaxat nobis primam superius assumptam assumpti partem scilicet: *Et Alchymiam & Processus istos &c. indignos esse.* Processus Kircher non intelligit. Alchymiam indignam, vanam, & irritam esse ipsi incumbit demonstrandum. Videamus igitur quid contra eam hoc capite afferat.

Primò *Contradictio sufficientissima in Philosophorum scriptis reperita id demonstrat.* Transeat reperiri contradictiones. Quid inde? nego illas quidquam demonstrare, quidquamve argue-

re:

re: jam dudum enim concessimus non omnes hanc adijisse Co-
rinthum, quod scribendi Cacoëthes instimulavit; nec scripta
veritati lapidis derogare nec falsitatem si alias lapis & nihil asse-
rere. P. Kircheri detur, demonstrare. Sic placet differere sed
audiamus qualesnam contradictiones in Philosophorum scri-
ptis offenderit: Dicunt Alchymistæ, ait, aurum quod lapis
dem constituit non esse aurum; mercurium in arte magna non
esse mercurium; sed aurum & mercurium in aliam formam
meliozem abijisse. *Qualis hic contradictio mi Pater? Aurum &
mercurius non sunt aurum & mercurius ut ante; sed aliam for-
mam induerunt.* Certè Logicæ præcepta non bene calles. *In-
stas; ista sermo melior est vel substantialis vel accidentalis. Concedo
non substantialis transeat. nec etiam accidentalis. nego, Ubi est
tua probatio P. Kircher? proseguere argumentum. Sed siles, ta-
ces, obmutescis. Quare enim auri accidentalis forma qualitatibus
prædicamento septa; & habens latitudinem scilicet gradus &
gradus, non posset majorem & majorem adipisci perfectionem?
& consequenter, cur aurum non posset dici non aurum quod
prius erat & aliud adjectivè, modo non dicatur aliud substanti-
vè? Quare idem de mercurio dici non posset. Interroga trivia-
les Logicos. Ubi est ergo Contradictio quam toties triumphas.
Quirinali inferre promittis. *Quæris ergo, unde venit auro
tanta excellentia?* Respondeo, ex suo principio excellenti, excel-
lentius ipsi addito, quod Philosophi intelligunt per suum se-
men auri vivificativum, per suum mercuriū, per suum Azoth,
per alios terminos quoscumque. *Anxiaris ut nos angaries & re-
plicas, quid est istud Principium auri excellens, excellentius auro ad-
ditum?* Respondeo, Procul hinc, procul esse profani, Plura unus
stultus*

Stultus hic quæret, quam decem sapientes sint illi responfuri. Hic Rhodus, hic saltus, Libenter ut audio rem scires, libentius occultabimus. *Ædipos* alios require, vel naturam mitius disce perscrutandam. *Rides & exclamas: ô belluina Philosophia!* Deridemus & reciprocamus, ô Belluinum Philosophum, qui hanc artem tam pinguiter mundo vult propalari. *Concludis: ergo nulla est hæc Philosophia.* Quare, quia illam nescis? negamus, repugnamus, reluctamur. Prosequitur &

Secundo obycit stultam esse Alchymistarum pollicitationem, & stolidissimas jactantias. *Quare?* quia dicunt Lapidem ita fecundum ut in infinitum possit multiplicari in virtute, ut si mare esset mercurius, posset totum tingi in aurum. Qualis in hac Theoria difficultas (in praxi enim ad summum quater à nobis posse repeti laborem qui ut insipienter Antichymista blaterat, non sit per projectiones, constat ob vim Lapidis fulminatricem) major quam in hac? si tota terræ machina esset pulvis pyrius, ipsique scintilla ignea admoveretur, tota conciperet ignem. Vel si Atlas quidam succollans præ magnitudine cœlo sepem serpentem calcaret, vel à cerasse imperceptibili ferè puncturâ læderetur, totô vastô corpore, venenô palante, brevi temporis intervallo inficeretur. Quare ad tantam perfectionem aliqua tinctura reduci non posset, ut semper & semper magis & magis tingeret si semper additione sui principii intensivè intenderetur? Et cur quam superabundanter habet tincturam, metallis, quæ ex hoc principio in gradu remissiore sunt plasmata, communicare nequiret, modò metalla ad illam recipiendam essent disposita? Et si experienciâ teste, Kircheroque referente in tantam aurum redigatur raritatem ab ipsa natura ut

in exhalationem & spiritum quasi abiens filamentorum in modum, lignorum medullis vel aliorum corporum meditullio se insinuans ibidemq; vi aëtheris condensatum verum purissimumque sodalitate præditum aurum ramentum se manifestat. Quale Anno 1663. apud illustrissimum quemdam Hungariæ magnatem mihi familiarem Ratisbonæ in comitiis sarmento innatum & extuberans vidi. Sicuti quoque multoties acinos aureos in uvis prope Tockaium repertos, in manibus habui. Quid mirum, si lapis Philosophorum in perfectione tingendi absolutus in minima quantitate in igne super aliud metallum purificatum projectus, se tamquam spiritus extendat, & certam metalli quantitatem pervadendo, quasi fulminando, in majorem fixitatem & citrinum colorem perducatur? Hic tamen non volo disputare utrum in infinitum syncategore malicè hæc virtus intendi posset, cum hoc pendeat à quæstione Physica infinita: *num in qualitatibus latis v. g. calore, detur status?* ad quam eos quibus hæc quæstio placet, ablegamus. Si hæc P. Kircher capere necdum possit: suæ ruditati & hebetudini in hac arte adscribat.

Nec est paritas in spiritu vini qui cohobativè purificatus unicâ suæ substantiæ guttâ hoc modo secundum P. Kircher integrum dolium in vinum nobilissimum transmutare posset. Quæ enim proportio Metallis cum vino ut quidquid fiat in metallis etiam locum debeat habere in vino & e contra. Deinde spiritus Vini depuratur semper suæ impuritatis aliquid amittendo; lapis Philosophorum non depuratur; sed intenditur semper sui perfectivi aliquid accipiendo Denique spiritus vini fit ex vino. imò ex ferè vini, quia nihil aliud est nisi sal volatile vini,

vini, lapis autem Philosophorum non fit ex auro aut aliis metallis; sed ex Principio auri seu aliorum metallorum. Et si stolidè forsan quærat, quare quoq; non detur tinctura vini, ut aliorum metallorum? *Respondeo* 1. quare vinum non habet tale ut cœtera metalla principium? *Respondeo* 2. sicut ad hanc quæstionem responderi solet, cur homo est homo, & cur asinus est asinus? quia hoc est hoc & illud est illud. Quia vegetabilia sunt vegetabilia & habent talem naturam, metalla sunt metalla & habent aliam. Et quia semper in falsa sua suppositione cornicatur Kircherus, quasi lapis Philosophorum esset aurum depuratum, per suarum portionum decisionem. Consectariè falsas semper fabricat conclusiones & suam ignorantiam in hoc mysterio confitetur. Persequitur Alchymistas &

Tertio obijcit Quem, Quæso, Alchymistæ demonstrabunt qui lapidis Philosophorum experientiam in tingendo sumpserit; neminem sanè, nisi mendacissimum ne dicam, mendacissimum, impostorem Licet Hoc impudens objectum nullam meretur responsionem; sed tali mulctâ esset expiandum, quæ apud Germanos talibus objectionibus tamquam dignum patellæ operculum infligi solet; tamen respondeo: Et Principes & Magnates & Illustres, & Imperatorem Ferdinandum III. Fœl. record, Ipsum, hujus tincturæ experientiam sumpsisse dum unicò granò hujus tincturæ integram argenti vivi Marcam in verissimum aurum convertit. Et Illa Persona honestissima quæ Imperatori Pragæ hanc tincturam dederat, etiam duobus ab hinc lustris alibi in præsentia cujusdam Eminentissimi Principis Electoris, aliorumque magnatum tinxit uno grano 60000. mercurii in verum aurum, sicut Glariss. Medicus Joannes Jo-

chimus Becherus (ut, quos scio alios non referam indigno Antichymistæ) in suo Oedipo Chymico testatur. Investiget P. Kircher, antequam talia scommata evomat, quæ fuerit illa persona & reperiet illam nec mēdacissimam nec mendicissimam fuisse. Scio, alios licet raros & singulis horis forsan possem ipse alicui dare experimentum veritatis ut confunderem spiritum mendacij in ore P. Kircheri, si expediret. Et parum interest si â mendaci mendacibus forte quoque adscribar. Fingat P. Kircherus ita esse, & maneat similis figulus, donec semel confundatur, & ad retractationes scribendas se accingat. Quæ ulterius in hoc capite referuntur, nugæ sunt ad nauseam jam refutatae & P. Kircheri puerascentis quisquiliæ, quibus nè una quidem, præter biliositomachi signum, salis mica inest. Acedamus igitur ad:

CAPUT SEXTUM.

IN quo omnia Chrysopææ tentamina frustranea esse ex ipsis Alchymistarum Coryphæis Arnolde, Theophrasto, villanovano demonstraturū se promittit. Sed En tibi lector qualis imperitia ex Arnolde & Villanovano ex nomine & cognomine duos facit personas certa putaverim vix ullum chymicū à Kircherō lectum. Quousque imperitia hujus hominis aduncō nasō orbem literarium suspendet? hic iterum cuculum sequitur & eodem semper cantu verberat aërem, videturque ex hoc capite Philosophorum lapidem destruere velle quia male seu non satis manifestè Paracelsus & alij suis scriptis ejusdem compositionem inserverunt. Insuper patitur scandalum non pusillorum; sed

sed verè pharisaicū, quod sibi inspiratum lapidem aliqui asse-
rant. Si lapidem habuerint (à quo semper astraho, quia sa-
tius iudicio de mortuis jam, & hoc seculo defunctis, vel benè
scribere, vel silentio defectus illorum præterire) quare dicere
non possent se à Deo inspiratum, & largo modo revelatum
obtinuisse lapidem cum omne donum de sursum sit, & ni-
hil sine DEO in quo vivimus, movemur & sumus, in hac
peregrinatione & Lachrymarum valle peragere valeamus.
Sed videamus quomodo ex villanovano frustra probet Chry-
sopœjæ tentamina frustranea esse. *Trahit discursum Villanova-
ni, in quo ex Philosophorum lapide integrantibus partibus eliminat
omnia Vegetabilia, omnia mineralia friabilia & sophisticas mer-
curij & metallorum preparationes?* Ergone ut in titulo vanè
gloriosus gloriatur Villanovanus, Theophrastus & alii la-
pidem Philosophorum negant, dum ex jam dictis non fa-
bricari asseverant, ut pluribus, ne inanes expendant sum-
ptus Christianâ charitate caveant? *O gerra germana & ade-
pol. liræ liræ,* Plautus inclamaret, si hæc audiret. At-
qui hæc nugæ temni possent, modò illarum inscitia magno
Philosophorum incommodo non esset nec Kircherò patro-
cinaretur. Concludit hoc caput, rejiciendo Arsenicum
& vitriolum, cum revera nesciat quid per arsenicum & vi-
triolum Philosophi intelligant; quasi, ut supra inculca-
tum, Philosophis licitum baud esset pro libito suæ mate-
riæ imponere nomina, & quasi cochlearibus ori omnium
ingerere deberent, quod singulari Dei gratia obtinuerunt, &
cujus revelatio toti mundo obesset.

Cum jam satis sit debacchatus infrunito ore sine ulla ratione Kircherus contra lapidem, rationes Philosophorum pro lapide quas sibi faciliores ut facilius solvat licet solvere non possit, coacervavit : aggreditur itaque

CAPUT SEPTIMUM.

O Bijiunt inquit mihi *primò* Alchymistæ antiquitatem artis, *secundò* Aurum confectum hac arte tum à Veteribus, tum à modernis ex testimonijs fide dignissimis constare, *Tertiò* viros Alchymistas veræ artis Professores, homines Deo devotos & religione sacrâ obstrictos fuisse. Hæc sunt argumenta secundum Kircherum Alchymistarum, quasi verò alia argumenta ipsis non suppeterent, quæis artem suam stabilirent? quæ tamen Kircherus cautà evitavit, licet nec has objectiones, ut jam visuri, solvere potuerit.

Ad primum igitur reponit artem à temporibus Romanorum Imperatorum non fuisse cognitam. *Unde hoc probat?* Ex sua libera quælibet falsa pro veris, incerta pro certis, & e contra effutiendi libidine. Certè omnes Libri Alchymici contrarium clamant, quibus omnibus facilius fidem Historicam adhibuero, quam Kircherò suam vanitatem concessero, & si essentia, veritatesq; rerum ab æterno existimentur apud Metaphysicos, fuisse, Hanc artem, quam veram veneror & scio, hanc quoque venerandâ canitie decoratam suspicio. Quis autem *primò* eam in praxim redegerit, ut id à multis alijs artib⁹ deploratur, ita quoque hic obsoletum esse curiosi rerum indagatores graviter conqueruntur. Quod autem aliqui Adamum chamum aliosq; inventores hujus artis esse scribunt, ad cabalam pertinere autumo,

mo, Adam enim terram rubram seu rufam, Chamum calorem seu calidum Alchymici interpretantur, quod imperitus Kircherus ne quidem in suo oedipo, sphynge potius posuit animadvertere. Quidquid sit diu ante tempora Christi hanc artem floruisse constanter plura monumenta etiam manuscripta, de quibus Kircherus numquam adhuc est informatus & apud quosdam servantur, testantur. *Quod autem majores per sua Hieroglyphica, quibus hanc artem mysticè tradiderunt, ne interiret ut aliæ artes & occularent, ne in multorum perniciem omnibus innotesceret, solum intenderint docere quomodo metalla producantur, variaq; symphatiae deprehendantur* ut vult Kircherus: merum otiosum ipsius Kircheri figmentum est, ita ut qui libroseorum evoluit, plenà meridie P. Kircheri candelam accendit, ut sine conspicillis conspicillo fiat & cernat.

Ad secundum respondet omnia illa experimenta esse falsa & impossura obnoxia. *Quare?* quia Kircherus non judicatus dignus, ut illi facta fuerit demonstratio, & quia ipse non vidit. Quid facilius quam omnia negare, nihil probare, contra quos fustibus agendum esse jam olim Aristoteles Censor fuit. Ut autem liberius neget aurum ex quo postea cusa est moneta, quam rosam nobilem vocant à Lullo non confectam esse testem Nic. Paracelsum invocatur, quem tamen ubique fere falsarium mordicus lacessit & infectatur. Item ex Rupe scissa textum (in quo ne verbulum tamen de experimentis artis falsis facit, solum difficultatem illius asseverat) inconcinnè inserit quem tamen hominem Religiosum, & sancto ordini ante mortem devinctum jam mundo defunctum, conviciatrice lingua confodit & omnem fraternam charitatem exutus, illum Impostorum numero ad-

ro adscribit utque se beneficiſſe oſtendat, aliquos viri defectus, quos palliare debuiſſet potius, iterum rememorando, ſceletori ipſius corrodere ſatagit. Sic liberum eſt feſtucas in aliorum oculis cernere, trābes autem quæ proprium impediunt obtutum, non curare. Sic de puduiſſe licitum eſt ut omnium ſcripta negentur. Ex quo tamen ſequitur *baculus in angulo* in propoſito Imaginemur enim illos quos recenſet artem haud calluiſſe & in aurum alia metalla non tinxiſſe, ergone propterea experimenta in arte neganda, ô infania.

Ad Tertium quaſi Paracellſus omnes conſtitueret Alchymiſtas, depoſitoeſtantes Paracellſi ipſius defectus colligit & ſe vitiorum ſtercore conſpurcat Kircherus, fuerit ut fuerit Paracellſus, jam à ſupremo iudice iudicatus eſt, Chriſtiane obiit, & Salisburgi in noſocomio apud S. Sebaſtianum ipſius reconditur cinis, & legitur in Epitaphiō quod lepram, Podagram, Hydropen &c. arte ſuā ſuſtulerit. Et ſi unus famulus de Paracellſo male, alij attamen benè de illo locuti ſunt inter quos eſt Franciſcus Misnicus, qui poſt obitum Paracellſi, honorificentiffimam de illius arte & vita ſcripſit Epistolam. Sed requieſcat Paracellſus, Requieſcat ſimiliter Arnoldus, quem pro more ſuo quoque inſequitur Kircherus, eò quod Theoricè homunculum in vitro produci poſſe adhibito calore debito ſpeculatur. Et inter alia Kircherus ut magnus Theologus, ſcilicet, homunculum illum non fore obnoxium peccati originalis quaſi verò iſte homunculus ſi talis produci poſſet, à quo abſtraho, non tam benè per ſperma à parentibus deciſum generaretur, ac ille qui generatur in utero matris, Kircherus ſemper rudis. Requieſcant etiam Fratres Roſeæ Crucis, quos magos detonat & inter quos etiam inno-

innocentissimum Sendivogium, qui in die extremi iudicii suam procul dubio famam repetet, recenset. Requiescant plures alij, si malè vixerint, viderint. Judicati sunt; malefactorum mercedem receperunt: Ex hoc tamen non sequitur quod caput rei erat: Ergo nullus Alchymista vir Deo devotus. Ergo omnes Alchymista malè vivunt. Iudicent Tonsores. sequitur

CAPUT OCTAVUM.

IN quo agit de Dolis modisq; Alchymistarum sed abeant in malam crucem omnes impostores, deceptores, & dolosi. Quid viris cordatis, cum hac hominum spuma & sarragine? Et sicut non admittet hanc Kircherus sequelam: *Aliqui Jesuitæ sunt, fueruntque dolosi, Athei & ut P. Valerianus ex aliquorum factis demonstrare conatur, ergo omnes Jesuitæ sunt tales; ita nec admittitur quod ob hunc vel illum, hos vel illos malè feriatos, qui Alchymistæ non sunt; sed furciferi: omnes Alchymistæ sint tales. Quia autem nihil aliud habet hoc capite, nisi quod certet cum quorundam & maculetur imposituris accingor ad*

CAPUT ULTIMUM ET NONUM.

IN quo larvam assumens sanctitatis, Philosophos Doemonibus terrefacere gesticulatur, asserens Doemones ut plurimum se Alchymia operationibus immiscere, & in confirmationem nescio quam fabulam fabulatur. Certè inficias non eo qui nullum alium in hac arte investiganda præfigunt sibi terminum, nisi divitias, non bene intendere, uti & hoc communiter asseri debet de fossoribus mercatoribus & alijs, sed

labo-

laborare ut inveniatur medicamina morborum, ut modus reperiatur quo sine ullius damno innocentissimam quis vivat vitam, ut inventis assistatur proximus, honor Dei propagetur, & multa bona opera exerceantur: nonne hoc sanctum & beneplacens intentum? nonne hic simplex oculus qui totum corpus radijs sanctitatis reddat lucidum? Et si P. Kircher ad propositum loqueretur, aliquidue dicere videretur, nullis hominibus pro sustentanda vita, liceret esse sollicitis.

Hic est Mus

Sophi
Philosophi
Physici
Metaphysici
Chymici
Alchymici:

quem operosè obsesticante sibi invidiâ Parturivit Kircherus. Tantæ molis erat lapidem reprobare, qui sit in caput Anguli. Ex his omnibus perspicitis ne unicam P. Kircherum rationem in arenam protulisse, quâ vel fundamentum hujus artis tangeret, multò minus deijceret; sed illum nihil pensi moderatiquè habuisse, ut suis dictis talem habitum affingeret, qualem vanæ gloriolæ & alicujus Thraſonicæ æstimationis acquirendæ putavit conducere. Quidquid enim profert vel est rapsodia aliquorum cirforancorum falsorum processuum vel aliquorum authorum scripta obscura tangit, vel calumniæ sunt intolerabiles, vel fabulæ ex Patre Delrio & aliis tamen Kircherò modestioribus transumptæ ut æquus lector, qui

qui Narcissum exuerit, æquus erit æstimator. Ex quibus attamen tantum abest ut deducatur impossibilitas lapidis; verum solidius sapientum fabricæ sapientiæ cœmento inferatur. Si Kircherus abusus spuriorum Alchymistarum insectatus fuisset: non solum tolerandus sed laudandus foret; ubi verò usum Alchymix tollere, hancque nobilissimam scientiam, quæ verè donum Dei est exulem mundo voluit: non solum culpandus, verum etiam ad palinodiam cogendus. Et quia multorū famæ detraxit, ut poenam talionis subeat adstringendus, nisi putaverit in hoc tentamine personam sibi comicam impostam esse quæ Lectores suos ludat & nebulam pictam in pariete oculis venari jubeat. Faciat se Germanum germanā veritate uti Germanum concesserim; sed ignorantem Artis, sed Italianizatum. Veritas autem hoc opere illius extorris est. Rationi quoq; magis consentaneum judicasset, si disciplinæ suæ limites non prætergressus, illi diligentem operam navasset & illotis manibus falcem in alienam messem non misisset. Intolerabilia enim aliqua in hoc mundo subterraneo & impertinentia inveniatis utpotè Tom. 2. lib. 9. sect. 1. de venenis. pag. 123. Mercurium nedum calidæ, sed calidissimæ esse naturæ, additâ hac ridiculâ ratione, quia tenuem in substantiam abit, dum calore percutitur. Quâ eâdem ratione aquam calidissimæ naturæ esse dixeris quia abit in vapores, Terram calidissimæ naturæ esse, quia abit in exhalationes &c. quæ mediocres Philosophi scholis exturbabunt. Rationē Philosophi quam dat, non intelligit: dicit enim Philosophus attenuationem rerum à calore, condensationem provenire à frigore. Intelligendus vero est Philosophus: quando nempe corpora relinquuntur

suæ

suæ naturæ & non alterantur. Adeoq; Mercurius non alteratus est densissimus. Deinde Tom. 2. lib. 8. sect. 4. fol. 95. historice refert hominem in Helvetia cum Draconibus subterraneis sub terra nutritum sale Petræ; cum tamen Tom. 2. lib. 9. sect. 5. fol. 3. & alibi dicat hominem non posse nutriri nisi cibis animâ aliquando informatis. Deniq; multa habet de Pyrophylaciis, Hydrophylaciis, de Panspermia, de Medicis & aliis quæ manifestam involvunt falsitatem, quæque particulari volumine ubi vacaverit, studebo confutare non ut agam P. Kircheri Instructorem quia ut ait Diogenes: *νεκρὸν ἰατρὸς οὐκ ἔστιν* *νεκρὸν τὰ αὐτὸν ἐστὶ*. Mortuum curare & senem erudire idem est; sed ut orbi literario innotescat P. Kircherum potius egisse Rapsodum, quam æquum rerum naturalium ponderatorem. Philosophi favete, valete.

Omnia Deo Devotorum & vera Artis Alchymica cultorum censura, quæ hic scripsi, subiecta sunt.

F I N I S.

Lecturo.

EX absentia correctoris & ignorantia Typothetarum varia irreperunt menda, qua sic emenda,

Col. 2. lin. 9.

tuto. lege luto

lin. 10.

est lege &c.

lin. 19.

pergam lege perquam.

Colum. 4. lin. 8.

Artum lege Actum.

lin. 20.

intercideres lege intercideret.

lin. penult.

mentis lege mentis.

Col. 5. lin. 7.

gravi lege gnavi.

lin. 17.

vaxia lege varia.

lin. ultimâ.

colere lege colore.

Col. 7. lin. 17.

Carabarios. lege Cacabarios.

lin. 19.

Quia lege Quid.

Col. 9. lin. 12.

assentiri, lege assenzari.

Col. 11. & 12. sæpius habetur.

Gendivogius locò Sendivogius.

Col. 16. lin. 14.

Legesyncategorematicè.

linea ultimâ

fere lege fece.

Col. 17. lin. 16.

lege semel mendicissimum.

Col. 18. lin. 20.

duos lege duas

certa lege certè

Col. 21. lin. 3.

posuit lege potuit


Col. 15. lin. 12.


Factat lege Jactat

lin. 13.

lege Italianizatum.

Cœtera quisque facile corriget utpote concernentia ut plurimum interpunctiones.











MC

